

## **Gban̄ Kaai Ate JŌŌN A N̄MARISI A SAA SITAWA La**

<sup>1</sup> Mi, nisomawa nna, ale a n̄marisi gban̄ka de a te m dek d̄awa Gayus ate m sum a yaali wa nna yegayega la.

<sup>2</sup> M dek doa, mi a saalim kama ayen Naawen a te fu nyinyogsa, ate fi a tom fi tuimaṅa nalimnyiini. M seba ayen fi a va Naawen ka nalimnyiini. <sup>3</sup> Yeezu n̄aan̄viirima ba gela ale jam a weeni mi ayen fi sum a va Naawen wensie siuku kama ale fi sunum meena. Mi le ga wom dila la, ku yaa deri peenti m sui nna yegayega. <sup>4</sup> Mi nyiem ale wom ayen m bisan̄a a va Naawen wensie siuku kama la, m sunum a nyiem a kasim a yok ka nna yegayega a gaam jaab buui meena.

<sup>5</sup> M dek doa, ku nala kama ale fi ale a tuesi Yeezu n̄aan̄viirima ale maari ba dii la. Ba ka nicham ate fi ze ba alege, fi deema a tuesi ba. Fi ale a nyɛ dii la, a sak kama ayen fi sum a va Naawen siuku kama nalimnyiini. <sup>6</sup> Ba biisi fi wie kama ale Kirisita bisan̄a ale a tu chaab a bo dela la, ale pak fu fi ale a yaali ba dii la. Mi a saalim fu kama ayen ba nyiem a dan boro a gomsɪ ayen ba basi fu abe ba nyiem, te ba maari kaai ale ka peenti Naawen sui la ate ba nyiem. <sup>7</sup> Dii nyiṅ la, ba a sak ka nuruba Yeezu wie. Ba be kan tuesi baai ale kan daa Kirisita bisa la jaaboa. <sup>8</sup> Dila nyiṅ la, ku nala kama ayen tama Kirisita bisan̄a

a maari bala chaab ate ti maa chaab a tom ate ti va wensienja.

<sup>9</sup> Mi nmarisi ka gbanj a te Kirisita bisaŋa ale a tu chaab a bo fi teŋka po la, alege Diyotifiz ale a yaali ayen wa chim ba kpagi la, a zeri dii ate mi a nmarisi m gbanjka po la vaka kama. <sup>10</sup> Dila nyin la, m dan jam ni jigi, ti le kali teŋ a biisi ale chaab ate nuruba wom wie njaai meena ate wa nyɛ la, ale wa ale kasim a velim a te mi dii la. Wa dii dek ale nmasi gaam taam ate wa a nyɛ la ale, wa kan tuesi Yeezu njanviirima baai ale nyiem a jam wa yenni la. Wa be kan basi me ate wa doama a tuesi ba a ta a jo ba yienja po. A se ba dan tuesi ba ayen ba ta jo, wa nyiem a yaali kama ayen wa yiak ba ate ba nyini Yeezu njanviirima po a nyini.

<sup>11</sup> M dek doa, kan tomsi maara nyɛ wie njaai ale kan nala la, alege tomsi a tom wie njaai ale nala la. Waai abe ale tom wamaŋsa la, Naawen soa ka wala. Waai me abe ale a tom wakaasima a yaase wabaata la, Naawen an soa wala choawa.

<sup>12</sup> Waai meena a pak Dimetirus kama. Wa wensienja me dek a sak wa nyɛ magsika kama. Tama dek a weeni a gum du ate nama me seba ayen ti ale a weeni dii la ka wensie.

<sup>13</sup> M ta ka wie nna yegayega ayen m weeni a sak fu alege m kan yaali ayen m nmarisi na dueni <sup>14</sup> Mi a poli ayen ku kan beni alege ate m nya fu. Ti dan tu chaab, ti le biisi wienja de meena ale chaab.

Naawen le te fu suyogini.

Fi doama baai meena ale bo dela la, a puusi fu. Be puusi ti doama baai ale bo ale fu la, a te ti.

**The New Testament in the Buli language  
(Ghana)**

**Buli: The New Testament in the Buli language  
(Ghana) (New Testament)**

copyright © 2003 Wycliffe Bible Translators, Inc.

Language: Buli (Ghana)

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

24aad1ee-9f16-5a40-b094-5b16e513253a